

亥21
9-141

寒十六證

類證方目錄

紅提綱

少陽提綱

表寒證

表實證

茯苓四逆

茵陳蒿湯

壞病提綱

壞病提綱

桂枝

桂枝湯

乳姜附子

梔子蘗皮湯

結胸

提綱

麻黃湯

桂枝麻黃湯

白通附子湯

痞證

太

葛根

桂枝加葛根湯

英莖薤湯

陽明經提綱

少陰提綱

表熱證

柴胡桂枝湯

裏熱證

虛證提綱

厥

小柴胡湯

柴胡桂枝湯

裏寒證

表虛證

真武湯

白虎人參湯

黃連阿膠湯

醫學摘粹

謝啓華拜題

傷寒十六證類方

亥21
9
共8冊



光緒丙申年印

醫學摘粹



傷寒類方
傷寒證辨
四診要訣
雜證要法
本草類要

粵自軒岐立言仲景立法遂爲後世醫學之祖而傷寒一書尤無法不備無病不療洵爲醫林之至寶但註傷寒者不下百餘家紛紛聚訟互相牴牾抑且篇章次第任意倒亂致令閱者心迷目眩莫得適從余讀徐氏傷寒類方見其從流溯源芟除一切葛藤頗覺精簡可取但彼就方分類而表裏寒熱虛實並未分焉余留心傷寒十餘年朝夕揣摩頗有心得因手輯一編卷首仍按照黃氏所著傷寒懸解將六經綱領分清某經應現某證某證應用某方條分縷晰令

人一目了然後因分爲十六證按證類方將表裏寒熱虛實之專證兼證分類列清一類之中先論證後列方並節錄黃氏方解務求明白簡當俾後之讀傷寒者按經認證按證尋方頭頭是道庶無望洋興歎之虞矣

光緒二十一年歲在乙未二月六日雲閣氏自敘



傷寒證六經提綱

太陽經提綱

太陽之爲病脈浮頭項強痛而惡寒 太陽病發熱汗出

惡風脈緩者名爲中風 太陽病或已發熱或未發熱必

惡寒體疼嘔逆脈陰陽俱緊者名曰傷寒 病有發熱惡

寒者發於陽也無熱惡寒者發於陰也發於陽者七日愈

發於陰者六日愈以陽數七陰數六也 病人身大熱反

欲得近衣者熱在皮膚寒在骨髓也身大寒反不欲近衣

者寒在皮膚熱在骨髓也

按太陽以寒水主令外在皮毛衛護周身爲六經之
綱領故其脈浮一被風寒則皮毛閉塞此經先病其
經起兩目之內眥自頭下項行身之背挾脊抵腰出
外踝而走小指風寒外束經脈不舒故頭項腰脊骨
筋疼痛其脈連於督脈之風府穴在頭後其竅常開
風寒傷人皆由風府之穴入傳之太陽肝司營血行
於經絡肺司衛氣行於皮毛而皆統於太陽風則傷
衛寒則傷營營衛感傷太陽所以病也

按太陽本病中風以桂枝湯主之傷寒以麻黃湯主

之風寒兩感以桂枝麻黃各半湯桂枝二麻黃一湯
主之中風而內有火鬱以大青龍湯桂枝二越婢一
湯主之傷寒而內有水鬱以小青龍湯主之表解而
內燥以白虎湯白虎加人參湯主之表解而裏濕以
五苓散茯苓甘草湯主之表退而熱結血分以桃核
承氣湯抵當湯丸主之

太陽經壞病提綱

太陽病三日已發汗若吐若下若溫鍼仍不解者此爲壞
病桂枝不中與也觀其脈證知犯何逆隨證治之本發

汗而復下之此爲逆也若先發汗治不爲逆先本下之而復汗之爲逆若先下之治不爲逆

按太陽病三日經盡發汗吐下溫鍼諸法仍然不解此非入陽明之府卽入太陰之藏是爲太陽壞病是緣下汗補泄治法錯誤而然蓋陽盛而亡其陰則入於府陰盛而亡其陽則入於藏雖太陽表證未解然不可作太陽病治相其脈證知其所犯何逆隨證治之可也

按太陽壞病入陽明去路表寒未解而內有火鬱以



麻黃杏仁甘草石膏湯主之表解而內燥以人參石
膏湯主之表解而裏熱以調胃承氣湯主之入太陰
去路表解而裏濕以五苓散主之表解而裏陽虛以
甘草乾薑湯主之表解而裏陰虛以芍藥甘草湯主
之表未解而裏寒急先以四逆湯主之後以桂枝湯
主之表未解而裏虛以枝桂加芍藥生薑人參新加
湯主之表未解而裏熱以葛根黃芩黃連湯主之表
未解而裏寒以桂枝去芍藥湯桂枝去芍藥加附子
湯主之表未解而裏實以桂枝加厚樸杏仁湯主之

表解而裏濕以桂枝去桂加茯苓白朮湯主之表虛
而裏實以厚樸生薑甘草半夏人參湯主之裏實而
宜吐以梔子厚樸湯梔子乾薑湯梔子香豉湯梔子
甘草湯梔子生薑湯隨證主之入少陰去路表虛汗
漏以桂枝加附子湯主之表解裏虛以芍藥甘草附
子湯主之裏寒有濕以茯苓白朮桂枝甘草湯主之
裏寒有水以真武湯主之裏虛亡陽以桂枝甘草湯
主之裏寒欲作奔豚以桂枝加桂湯茯苓桂枝甘草
大棗湯主之裏虛亡陽驚狂以桂枝去芍藥加蜀漆



龍骨牡蠣湯主之裏虛亡陽煩燥以桂枝甘草龍骨
牡蠣湯主之表解而裏陽虛以茯苓四逆湯乾薑附
子湯主之

太陽經壞病結胸痞證提綱

病發於陽而反下之熱入因作結胸病發於陰而反下之
因作痞所以成結胸者以下之太早故也

按衛氣爲陽風傷衛者病發於陽也衛傷則遏逼營
血而生裏熱血化於藏藏陰衰者多傳於陽明之府
營血爲陰寒傷營者病發於陰也營傷則束閉衛氣



而生表寒氣化於府府陽弱者多傳於太陰之藏病
發於陽者俟其熱邪傳裏已入胃府非不可下方其
在經法應汗解而反下之表陽內陷而成結胸病發
於陰者內寒鬱動易入脾藏始終忌下方其在經亦
應汗解而反下之裏陰上逆則成痞證太陽之病不
解於太陽之經而內傳藏府生死攸關是皆太陽之
壞病也然入府則用承氣入藏則用四逆猶有救壞
之法至於未入胃府下早而爲結胸未入脾藏誤下
而成痞證則壞而又壞矣仲景變承氣而爲陷胸變

四逆而爲瀉心所以救壞中之壞也

按結胸證重者以大陷胸湯大陷胸丸主之輕者以
小陷胸湯主之痞證表未解而裏虛以桂枝人參湯
主之裏實而上熱以大黃黃連瀉心湯主之裏實而
下寒以附子瀉心湯主之表解而裏有水以十棗湯
主之表解而裏有寒有熱以生薑瀉心湯甘草瀉心
湯主之裏濕而便滑以赤石脂禹餘糧湯主之裏濕
而水停以五苓散主之表解而裏鬱以旋復花代赭
石湯主之裏寒而可吐以瓜蒂散主之

陽明經提綱

陽明之爲病胃家實也 傷寒三日陽明脈大 陽明外
證身熱汗自出不惡寒反惡熱也 病雖得之一日而寒
將自罷卽自汗出而惡熱也 陽明居中土也萬物所歸
無所復傳始雖惡寒二日自止此爲陽明病也 傷寒發
熱無汗嘔不能食而反汗出濇濇然者是轉屬陽明也
有太陽陽明有正陽陽明有少陽陽明太陽陽明者脾約
是也正陽陽明者胃家實是也少陽陽明者發汗利小便
已胃中燥煩熱大便難是也 太陽病若發汗若下若利

小便此亡津液胃中乾燥因轉屬陽明不更衣內實大便
難者是名陽明也 本太陽病初得時發其汗汗先出不
徹因轉屬陽明也 病人煩熱汗出則解又如瘧狀日晡
時發熱者屬陽明也脈實者宜下之脈浮虛者宜發汗

按陽明從燥金化氣其經在太陽之次肌肉之分起
於鼻之交頤挾口環唇行身之前下膈挾臍循脛外
由足跗而走大指陽明爲三陽之長太陽經病不解
營衛內鬱二日必傳陽明之經陽氣盛滿故脈大而
身熱若府陽素實則自經入府表熱裏傳裏熱則桂

麻解表之法更爲承氣攻裏之方仲景立陽明之法專爲入府者設非第二日陽明之經病也

按陽明病太陽經證未罷中風仍以桂枝湯主之傷寒仍以麻黃湯主之太陽未解而將入陽明以桂枝加葛根湯主之太陽未解而已入陽明以葛根湯主之二陽表未解而裏有鬱以葛根加半夏湯主之表解而裏熱以調胃承氣湯主之表解而裏微實以小承氣湯主之表解而裏大實以大承氣湯主之裏實而津竭以蜜煎導方猪膽汁方主之裏實而脾約以

